

Tarikh Dibaca: 22 MAC 2019M / 15 RAJAB 1440H



KHUTBAH JUMAAT

Tajuk:

“TABAH DALAM MENGHADAPI UJIAN”

Terbitan:
Unit Khutbah
Bahagian Pengurusan Masjid
JABATAN AGAMA ISLAM SELANGOR



"TABAH DALAM MENGHADAPI UJIAN"

الْحَمْدُ لِلَّهِ الْقَائِلٍ : وَابْتَغِ فِيمَا آتَكَ اللَّهُ الْدَّارَ الْأَخِرَةَ
وَلَا تَنْسِ نَصِيبَكَ مِنَ الدُّنْيَا وَاحْسِنْ كَمَا أَحْسَنَ اللَّهُ
إِلَيْكَ وَلَا تَبْغِ الْفَسَادَ فِي الْأَرْضِ إِنَّ اللَّهَ لَا يُحِبُّ الْمُفْسِدِينَ

1



أَشْهُدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهُدُ أَنَّ
مُحَمَّداً عَبْدُهُ وَرَسُولُهُ اللَّهُمَّ صَلِّ وَسِّلِّمْ عَلَى سَيِّدِنَا
مُحَمَّدٍ وَعَلَى آلِهِ وَصَحْبِهِ أَجْمَعِينَ. أَمَّا بَعْدُ، فَيَا أَيُّهَا
الْمُسْلِمُونَ! اتَّقُوا اللَّهَ، أَوْصِيْكُمْ وَإِيَّاَيَ بِتَقْوَى اللَّهِ
فَقَدْ فَازَ الْمُتَّقُونَ. قَالَ اللَّهُ تَعَالَى: يَا أَيُّهَا الَّذِينَ ءَامَنُوا
اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنْتُمْ مُسْلِمُونَ.

Muslimin yang dirahmati Allah sekalian,

Marilah kita sama-sama meningkatkan ketaqwaan kepada Allah SWT dengan menunaikan segala perintah-Nya dan meninggalkan segala larangan-Nya. Mudah-mudahan kita beroleh kejayaan dan kebahagiaan di dunia dan di akhirat.

Marilah kita sama-sama mendengar dan menghayati khutbah yang bertajuk "**TABAH DALAM MENGHADAPI UJIAN.**"

¹ Al-Qasas : 77.



Hadirin yang dikasihi Allah sekalian,

Kehidupan dunia adalah kehidupan yang sementara. Kehidupan yang sebenarnya adalah kehidupan akhirat yang kekal abadi. Hanya keimanan yang sebenar sahaja yang akan menjamin seseorang itu mencapai kebahagiaan dalam kehidupannya di akhirat kelak. Oleh yang demikian, amatlah malang jika ada dalam kalangan umat Islam ini mereka yang sanggup menggadai imannya demi memenuhi tuntutan kehidupan duniawinya yang fana ini.

Persoalannya, kenapa ada di antara umat Islam yang menggadaikan imannya kerana kehidupan dunia? Jawapannya ialah kerana ada yang tidak tahan dan tidak sabar dalam menanggung ujian kehidupan di dunia. Ini semua berpunca dari cetecknya pengetahuan ilmu agama, kelemahan keimanan, kekurangan amalan soleh dan diri tidak terhias dengan akhlak yang mulia.

Hadirin Jumaat yang dirahmati Allah,

Sebenarnya kehidupan dunia ini adalah ujian bagi setiap muslim. Masing-masing akan menerima ujian Allah SWT samada dalam bentuk ujian ditimpa kesusahan atau dikurniakan dengan ujian kesenangan. Ini bermakna orang yang susah akan diuji dan orang yang senang juga akan diuji.

Ujian yang dalam bentuk kesusahan adalah seperti kesakitan, ketakutan, kelaparan, kemiskinan, kehilangan harta, bencana alam atau kematian seseorang yang disayangi. Allah SWT berfirman dalam surah al-Baqarah ayat 155:

وَلَنَبْلُونَكُم بِشَيْءٍ مِّنَ الْخَوْفِ وَالْجُوعِ وَنَقْصٍ مِّنَ الْأَمْوَالِ
وَالْأَنْفُسِ وَالثَّمَرَاتِ وَسِرِّ الصَّابِرِينَ



"Demi sesungguhnya! Kami akan menguji kamu dengan sedikit perasaan takut (kepada musuh) dan (dengan merasai) kelaparan, dan (dengan berlakunya) kekurangan dari harta benda dan jiwa serta hasil tanaman. Dan berilah khabar gembira kepada orang-orang yang sabar."

Manakala ujian dalam bentuk kesenangan pula seperti harta yang banyak, anak-anak, kedudukan yang mulia, jawatan yang tinggi, perniagaan yang semakin maju dan seumpamanya. Allah SWT berfirman dalam surah al-Anfal ayat 28:

وَأَعْلَمُوا أَنَّمَا أَمْوَالُكُمْ وَأُولَئِكُمْ فِتْنَةٌ وَأَنَّ اللَّهَ عِنْدَهُ رِحْمَةٌ

أَجْرٌ عَظِيمٌ

٢٨

"Dan ketahuilah bahawa harta benda kamu dan anak-anak kamu itu hanyalah menjadi ujian, dan sesungguhnya di sisi Allah jualah pahala yang besar.

Hadirin Jumaat yang dirahmati Allah,

Pelbagai ujian yang diberikan oleh Allah SWT ini kepada kita hanyalah untuk mengetahui siapa yang ikhlas, siapa yang bersabar, siapa pula yang berbohong dan siapa yang selalu berkeluh kesah. Allah SWT berfirman dalam surah al-Ankabut ayat 2-3:

أَحَسِبَ النَّاسُ أَنْ يُتَرْكُوا أَنْ يَقُولُوا إِنَّا وَهُمْ لَا يُفْتَنُونَ

وَلَقَدْ فَتَنَّا الَّذِينَ مِنْ قَبْلِهِمْ فَلَيَعْلَمَنَّ اللَّهُ الَّذِينَ صَدَقُوا

وَلَيَعْلَمَنَّ الْكَاذِبِينَ

٣

"Patutkah manusia menyangka bahawa mereka akan dibiarkan dengan hanya berkata: "Kami beriman", sedang mereka tidak diuji (dengan sesuatu



cubaan)? Dan demi sesungguhnya! Kami telah menguji orang-orang yang terdahulu daripada mereka, maka (dengan ujian yang demikian), nyata apa yang diketahui Allah tentang orang-orang yang sebenar-benarnya beriman, dan nyata pula apa yang diketahui-Nya tentang orang-orang yang berdusta.

Muslimin yang dirahmati Allah sekalian,

Insiden serangan dan kejadian tembakan kepada jemaah yang berlaku di Masjid al-Nour dan Masjid Linwood, New Zealand baru-baru ini yang mengorbankan 50 mangsa dan mencederakan ramai yang lain, individu-individu tidak bersalah ketika sedang beribadat amat menyedihkan kita semua. Bahkan sehingga hari ini insiden tragis tersebut masih lagi menjadi bualan ramai. Sesungguhnya ini merupakan ujian hebat buat umat Islam khususnya dan apa yang pasti setiap yang berlaku itu mempunyai hikmah yang tersendiri.

Bagi mereka yang ikhlas dan sabar, ujian kesusahan yang datang akan dihadapinya dengan penuh ketabahan dan keredhaan kerana memahami bahawa adanya hikmah disebalik ujian tersebut. Mereka berkeyakinan bahawa ujian kesusahan itu akan menghapuskan dosa dan kesalahan lalu. Manakala ujian kesenangan pula mereka akan menerima dengan penuh kesyukuran kepada Allah SWT. Ini kerana seorang mukmin yang sejati akan sentiasa menyedari bahawa setiap ujian yang diterima sama ada kesusahan atau kesenangan adalah untuk meningkatkan lagi iman kepada Allah.

Adapun orang-orang yang sikapnya suka berbohong dan lemah keimanannya terhadap qadha dan qadar daripada Allah SWT, apabila mereka diberi ujian kesusahan, iman akan digadaikannya. Mereka akan memohon dan merayu kepada manusia atau makhluk lain untuk menghilangkan kesusahan yang dihadapinya. Manakala ujian kesenangan yang dirasainya, mereka menjadi sompong dan angkuh. Ia tidak mahu bersyukur atas kuniaan Allah SWT yang diberikan kepadanya. Bahkan, ia



merasa bahawa semua itu adalah sebab kepandaianya sendiri, sepetimana keangkuhan Qarun terhadap kurniaan Allah yang diabadikan kisahnya dalam surah al-Qasas ayat 78. Allah SWT berfirman:

قَالَ إِنَّمَا أُوتِيتُهُ عَلَىٰ عِلْمٍ عِنْدِيٍّ أَوْ لَمْ يَعْلَمْ أَنَّ اللَّهَ قَدْ
أَهْلَكَ مِنْ قَبْلِهِ مِنَ الْقُرُونِ مَنْ هُوَ أَشَدُّ مِنْهُ قُوَّةً وَأَكْثَرُ جَمِيعًا
وَلَا يُسَئَلُ عَنْ ذُنُوبِهِمُ الْمُجْرُمُونَ



“Qarun menjawab (dengan sompongnya): “Aku diberikan harta kekayaan ini hanyalah disebabkan pengetahuan dan kepandaian yang ada padaku”. (Kalaulah Qarun bijak pandai) tidakkah ia mengetahui dan pandai memahami, bahawa Allah telah membinasakan sebelumnya, dari umat-umat yang telah lalu, orang-orang yang lebih kuat daripadanya dan lebih banyak mengumpulkan harta kekayaan ? dan (ingatlah) orang-orang yang berdosa (apabila mereka diseksa) tidak lagi ditanya tentang dosa-dosa mereka, (kerana Allah sedia mengetahuinya).”

Al-Imam al-Qurthubi Rahimahullah berkata dalam tafsirnya yang bermaksud: “Allah SWT menerangkan dalam ayat-ayat ini bahawa Qarun telah diberi perbendaharaan harta yang amat banyak hingga ia lupa diri, dan semua yang dimilikinya itu ternyata tidak mampu menyelamatkannya dari azab Allah SWT sebagaimana yang telah dialami oleh Fir'aun.”

Hadirin Jumaat yang dirahmati Allah,

Dengan ini, jelaslah bagi kita bahawa siapa pun yang menjalani kehidupan pasti akan menghadapi berbagai-bagai ujian yang akan menduga iman masing-masing. Kadang-kadang iman akan turun dan kadang-kadang iman akan naik. Persoalan yang penting ialah bagaimanakah cara yang



dianjurkan oleh Islam bagi memperteguhkan iman kita supaya mampu dan tahan menghadapi apapun dugaan yang mendatang.

Banyak cara untuk mempertahankannya. Antaranya ialah dengan *zikrullah* atau mengingati Allah kerana dengan zikrullah, hati akan menjadi tenteram sehingga dimudahkan untuk hati menjadi ikhlas, sabar dan benar keyakinannya kepada Allah SWT. Allah SWT berfirman dalam surah al-Ra'd ayat 28:

الَّذِينَ إِيمَنُوا وَتَطْمِئِنُ قُلُوبُهُمْ بِذِكْرِ اللَّهِ أَلَا بِذِكْرِ اللَّهِ
تَطْمِئِنُ الْقُلُوبُ



"(laitu) orang-orang yang beriman dan tenang tenteram hati mereka dengan zikrullah". ketahuilah dengan zikrullah itu, tenang tenteramlah hati manusia."

Demikian pula, tiada perbuatan yang paling berkesan bagi memelihara iman dari berputus asa dan lemah semangat dengan ujian yang menimpa melainkan bersegera dan bersungguh-sungguh dalam beramal saleh. Hadits Rasulullah SAW yang diriwayatkan oleh Abu Hurairah Radhiallahu Anhu bahawa Nabi SAW bersabda:

بَادِرُوا بِالْأَعْمَالِ اللَّيْلَ كَقِطَعٍ فِتَنًا الْمُظْلِمِ، يُصْبِحُ الرَّجُلُ مُؤْمِنًا وَيُمْسِي كَافِرًا وَيُمْسِي مُؤْمِنًا وَيُصْبِحُ كَافِرًا، يَبْيَعُ دِينَهُ بِعَرَضِ مِنَ الدُّنْيَا

"Bersegeralah kamu semua untuk beramal, (kerana akan datang) ujian-ujian ibarat keadaan-keadaan malam yang gelap. (Disebabkan ujian tersebut, adakalanya) seseorang itu beriman pada waktu pagi tetapi menjadi



kafir pada waktu petang, dan beriman pada waktu petang tetapi menjadi kafir pada waktu pagi esoknya. (Lalu) Dia menjual agamanya dengan sesuatu dari (kepentingan) dunia ini."

(Riwayat Muslim).

Untuk itu, umat Islam hendaklah sentiasa berusaha menambah ilmu agama, beramal soleh dan berakhhlak mulia agar dapat memelihara iman daripada tergadai.

Malahan lebih dari itu, peranan doa juga sangat penting dalam menjaga dan menguatkan iman. Antara doa yang diajarkan oleh Allah SWT dalam al-Qur'an yang wajib kita baca 17 kali sehari semalam dalam solat fardhu 5 waktu ialah,



اَهْدِنَا الصِّرَاطَ الْمُسْتَقِيمَ

"Tunjukilah kami jalan yang lurus!"

(al-Fatiha: 6)

Hadirin Jumaat yang dirahmati Allah,

Mengakhiri khutbah ini, marilah kita menghayati perkara-perkara penting berikut supaya menjadi panduan dalam hidup kita:

1. Umat Islam hendaklah meyakini bahawa Allah menjadikan kita untuk beribadah kepadaNya sahaja.
2. Umat Islam hendaklah menjaga dan mempertahankan iman ketika diuji dengan kesenangan atau kesusahan.
3. Umat Islam hendaklah sentiasa ikhlas dan sabar dalam menjalani kehidupan harian.
4. Umat Islam hendaklah berdoa agar sentiasa dalam keimanan dan memperolehi kesudahan terbaik dalam hidup ini (*husnul khatimah*).



أَعُوذ بِاللَّهِ مِنَ الشَّيْطَنِ الرَّجِيمِ
رَبَّنَا لَا تُزِغْ قُلُوبَنَا بَعْدَ إِذْ هَدَيْتَنَا وَهَبْ لَنَا مِنْ لَدُنْكَ رَحْمَةً
إِنَّكَ أَنْتَ الْوَهَابُ

"(Mereka berdoa dengan berkata): "Wahai Tuhan kami! janganlah Engkau memesongkan hati kami sesudah Engkau beri petunjuk kepada kami, dan kurniakanlah kepada kami limpah rahmat dari sisi-Mu; Sesungguhnya Engkau jualah Tuhan yang melimpah-limpah pemberian-Nya."

(ali Imran : 8).

بَارَكَ اللَّهُ لِيْ وَلَكُمْ فِي الْقُرْآنِ الْعَظِيْمِ، وَنَفَعَنِي
وَإِيَّاكُمْ بِمَا فِيهِ مِنَ الآيَاتِ وَالذِّكْرِ الْحَكِيْمِ وَتَقَبَّلَ
مِنِّي وَمِنْكُمْ تِلَاوَتُهُ، إِنَّهُ هُوَ السَّمِيْعُ الْعَلِيْمُ.
أَقُولُ قَوْلِيْ هَذَا وَأَسْتَغْفِرُ اللَّهَ الْعَظِيْمَ لِيْ وَلَكُمْ
وَلِسَائِرِ الْمُسْلِمِيْنَ وَالْمُسْلِمَاتِ، فَاسْتَغْفِرُوهُ إِنَّهُ هُوَ
الْغَفُورُ الرَّحِيْمُ.



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ، وَأَشْهَدُ أَنَّ مُحَمَّداً عَبْدُهُ وَرَسُولُهُ. أَللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ. أَمَّا بَعْدُ، فَيَا عِبَادَ اللَّهِ، اتَّقُوا اللَّهَ، أُوصِيْكُمْ وَإِيَّايَ بِتَقْوَى اللَّهِ فَقَدْ فَازَ الْمُتَّقُونَ.

وَقَالَ اللَّهُ تَعَالَى : إِنَّ اللَّهَ وَمَلَئِكَتَهُ يُصَلُّونَ عَلَى النَّبِيِّ يَتَّبِعُهَا الَّذِينَ ءَامَنُوا صَلَوَاتُهُ وَسَلَامُهُ تَسْلِيمًا. أَللَّهُمَّ صَلِّ وَسَلِّمْ عَلَى سَيِّدِنَا وَمَوْلَانَا مُحَمَّدٍ سَيِّدِ الْمُرْسَلِينَ وَارْضِ اللَّهُمَّ عَنْ أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ أَجْمَعِينَ.

أَللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ الْأَحْيَاءِ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ مُجِيبٌ الدَّعَوَاتِ وَيَا قَاضِي الْحَاجَاتِ. أَللَّهُمَّ أَعِزُّ



الإِسْلَامُ وَالْمُسْلِمِينَ، وَأَهْلِكِ الْكَفَرَةَ وَالْمُبْتَدِعَةَ
وَالْمُشْرِكِينَ وَدَمِرَ أَعْدَاءَكَ أَعْدَاءَ الدِّينِ. وَانْصُرْنَا
عَلَى الْقَوْمِ الْكَافِرِينَ.

اللَّهُمَّ إِنَّا نَسْأَلُكَ وَنَتَوَسَّلُ إِلَيْكَ بِنَيْكَ الْأَمِينِ،
وَنَسْأَلُكَ بِاسْمَائِكَ الْحُسْنَى، وَصِفَاتِكَ الْعُظْمَى، أَنْ
تَحْفَظْ بِعِينِ عِنَايَتِكَ الرَّبَّانِيَّةَ، وَيَحْفَظْ وَقَائِتِكَ
الصَّمَدَانِيَّةَ، جَلَالَةَ مَلِكِنَا الْمُعَظَّمِ، سُلْطَانَ
سلاَغُورِ، سُلْطَانَ شَرْفِ الدِّينِ ادْرِيسِ شَاهِ الحاجِ
ابنِ الْمَرْحُومِ سُلْطَانِ صَلَاحِ الدِّينِ عَبْدِ الْعَزِيزِ شَاهِ
الْحَاجِ. اللَّهُمَّ أَدِمِ الْعَوْنَ وَالْهِدَايَةَ وَالتَّوْفِيقَ،
وَالصِّحَّةَ وَالسَّلَامَةَ مِنْكَ، لِوَلِيِّ عَهْدِ سلاَغُورِ، تَعْكُو
أَمِيرِ شَاهِ إِبْنِ السُّلْطَانِ شَرْفِ الدِّينِ ادْرِيسِ شَاهِ
الْحَاجِ، فِي أَمْنِ وَصَلَاحِ وَعَافِيَةِ بِمِنْكَ وَكَرَمِكَ يَا
ذَالْجَلَالِ وَالْإِكْرَامِ. اللَّهُمَّ أَطِلْ عُمْرَهُمَا مُصْلِحَيْنِ
لِلْمُوَظَّفِينَ وَالرَّعِيَّةِ وَالْبِلَادِ، وَبَلِّغْ مَقَاصِدَهُمَا لِطَرِيقِ
الْهُدَى وَالرَّشَادِ.

Ya Allah, Engkaulah Tuhan yang Maha Berkuasa, kami bersyukur kehadrat-Mu yang telah mengurniakan rahmat dan



keberkatan kepada negeri ini yang terus sejahtera dan maju, serta rakyatnya bersatu padu, dibawah naungan dan pimpinan raja kami sebagai Ketua Agama Islam di negeri ini.

Justeru kami pohon kehadrat-Mu ya Allah, tetapkanlah iman dan pegangan kami kepada Ahli Sunnah Wal-Jamaah, peliharalah kami daripada ajaran yang terkeluar daripada Islam seperti Qadyani dan ajaran-ajaran yang difatwakan sesat seperti Syiah. Ya Allah, Ya Rahman, Ya Rahim, satukanlah hati-hati kami, kurniakanlah kami rezeki yang luas lagi barakah, kayakanlah kami dengan ilmu yang bermanfaat dan lindungilah kami daripada bala bencana. Ya Allah, kurniakanlah petunjuk kepada kami untuk mendirikan solat fardu lima waktu secara berjemaah, menunaikan zakat melalui Lembaga Zakat Selangor, mewakaf dan menginfakkan harta melalui Perbadanan Wakaf Selangor dan Tabung Amanah Pembangunan Islam Selangor.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةً أَعِيْنِ وَأَجْعَلْنَا^{لِلْمُتَّقِينَ} إِمَامًا. رَبَّنَا ءَاتِنَا فِي الدُّنْيَا حَسَنَةً وَفِي الْآخِرَةِ
حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَنِ وَإِيتَاءِ ذِي
الْقُرْبَىٰ وَيَنْهَا عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ
لَعَلَّكُمْ تَذَكَّرُونَ





فَادْكُرُوا اللَّهَ الْعَظِيمَ يَذْكُرُكُمْ وَاشْكُرُوهُ عَلَى نِعَمِهِ
يَزِدْكُمْ، وَاسْأَلُوهُ مِنْ فَضْلِهِ يُعْطِكُمْ وَلَذِكْرُ اللَّهِ
أَكْبَرُ وَاللَّهُ يَعْلَمُ مَا تَصْنَعُونَ.
